

河南省圖

地 150
638



何南荊省圖

序


周禮大司徒有地圖之掌秦焚載籍而土地之圖獨留於丞相御史之府漢高得之遂以周知天下之阨塞蓋其圖之精審如此漢時匡衡食邑樂安鄉而郡圖誤以閩陌為平陵陌致衡因此奪地然則漢代之圖固已漸疏於古魏晉以降此學益微晉裴秀地域圖千里之地僅方二寸當時以秀為能以今論之蓋猶有憾下此者等諸自郤已我

朝內府輿圖以北極出地之高卑月食之先後分秒定各州縣相距遠近斜直之率理精數確於古無比陽湖李申者以為非草茅所得覲復自撰大清一統輿地圖自是郡國之圖始有通行善本凡分土子人者皆寶焉而於用兵則尤切當癸丑甲寅間粵逆皖賊並起所在鼎沸司閩外者如縲亂絲於盆幾無著

手之處既而或扼其上流或奪其江路或因黃河運河之隔築長圍以制其死命批亢擣虛形格勢禁遂以南殲大憝北戡流寇雖曰師武臣力而其所以舉之如拾遺者蓋明於地利之助為多焉地圖之功固不可沒也往時益陽胡文忠公以李圖僅有州縣又增廣為皇輿一統圖州縣而外兼列村鎮以為可以補李圖之所未備然於要地則尚不免於遺漏而無關形勢之聚落所載太繁則篇幅侈而瀏覽亦不便又二圖皆詳於水而略於山水有支幹山無脈絡峯巒斷續大都以意為之而合淮源於澧源使江淮河漢四瀆為一尤為水道之大誤蓋以一人之身一州之牧而欲遍圖中外之山川鄉邑固宜其百密之一有一疏如此也同治五年予持節豫州以豫中舊圖之疏漏因為之定其體例檄州縣吏各以其地之圖進俾劉令恂任校讎

之事往返駁正歷二三暮而圖始就其中村市限於紙幅不能全載而由此州以達彼縣其所經由之地咸在則凡有助於軍行之向背旅人之跋涉者固已無一之不載而其所不載者蓋亦其不必載者已山則蛛絲馬跡之脈略具無平地而湧一峯者水則源分而委合雖遂溝洫澮之小水不敢紊其聚散分合之派至於州縣之有界畫鄉集之既表其名復誌其處則亦前此之圖之所未及者蓋因其身之所駐地之所轄而為之雖較之周官之籍中祕之藏不敢望其萬一以言乎漢高之求扼塞匡衡之定疆界裴秀之所謂分率準望道里高下方邪迂直者則求之於圖固已十得七八後有同志踵而精之使一州之地鉅細不遺則於教養之方申畫之政咸利賴之矣豈獨用兵也哉刻既竣遂書之以為序

同治九年七月下澣三韓李鶴年



河南省在京師西南一千五百四十里以開封府為省會省南北一千四百里東西一千三百里府九直隸州四廳一州六縣九十六開封府領州二縣十四開封府之北為懷慶彰德衛輝三府領縣二十五其西為河南府陝汝二直隸州領縣十七其南為南陽汝甯二府光許二直隸州領廳一州三縣二十六其東為歸德陳州二府領州一縣十四省之全境羸於西南而東北則或羸或胸截長補短為方百里者百有六七南界湖北北接直隸山西山東西連陝西東通江蘇安徽北境之迤西者自澠池至閿鄉濱於河南境之迤東者自桐柏至商城倚於山餘皆與鄰境犬牙交錯無名山大川之限境內之水河最大淮次之而支流之所入則淮最多河次之河自省西閿鄉入境東流南合伊洛瀍澗北合沁濟舊由省東虞城入江蘇境今改由

省北蘭儀東北流入直隸境淮自省西南桐柏發源東流至固始入江南境凡大河以南嵩南召泌陽桐柏以東之水無大小皆入於淮其入於境內者曰汝曰洪其入於境外者曰澮曰渦曰潁其餘若賈魯河若溱洧若汝若沙河則入於潁由潁以入淮惟南召之西南唐丹諸水入漢河之北漳衛二水合流入大清河全境東南北多水西南北多山山之在河北者皆太行支麓蔓延於彰衛之西山之在河南者其幹自終南秦嶺東南行入省之西境經盧氏之南迤邐而東踰南召歷泌陽漸轉而南越桐柏復折而東與光州南境相終始入於皖省山之東北伊洛汝潁諸水出焉西南唐白丹浙諸水出焉其支夾伊雒二水而東又轉而北而盡於登封鞏洛之間自河而南自滎澤密禹襄城舞葉雒遂而東皆平原曠野府廳州縣駢羅列布視西境

為較密焉省之北由安陽抵封邱為京師入豫大道省西至
關鄉為入潼關道西南為入武關道皆入陝境省東至歸德為
入江南道省南至信陽西南至新野皆為入楚道省中重鎮曰
開封府撫軍駐之曰南陽曰歸德曰懷慶總兵駐之曰信陽州
曰陝州曰武陟巡道駐之其為商旅都會者浙川荆紫關南陽
賒旗鎮息縣烏龍集祥符朱仙鎮河內清化鎮濬縣道口鎮內
黃楚旺鎮為尤著云豫省舊無輿圖同治五年奉

大府命州縣各以其圖進恂承

指授取諸圖詳加參考合為一既成謹紀其大略於左圖中二
十里為一方州縣所治城以回丞倅分治之處以○村鎮以○
關以卩道路以—

劉恂繪並識



